



Projet promovût di 'La Vòs dai Furlans' e 'ARLeF'

# MAMAN

la VÒS dai FURLANS

Lu saveviso che...?

Il castôr al è un roseadôr cuntune pelice fisse e une code lungje e scliçade che al dopre tant che tamon par nadâ e che, tal câs di pericol, al bat su la aghe par visâ chei altris components de famee. Par deviâ i flums e costruî la sô cove al fâs sù dighis, cun lens, claps e pantan. Chest animâl al è râr e in Italie no lu si viodeve di tant timp. Di pôcs agns si sa de presince di un esemplâr. Savêso dulà? Propit in Friûl, des bandis dal Lât di Fusine!



CJALÏN INSIEMI

"Scjaraçule maraçule, la lusigne e la tracule, la piçule si niçule e di polvar si tacule...!"

Cjanfin insiemi "Scjaraçule maraçule" su



## cumò fâs tu!

Trops animâi e arbui rivistu a contâ in chest dissen? Scrif il numar chi sot



## Piture il dissen



O soi piçul e di len e se tu mi freis mi si impie il cjâf. Cui soio? Il fulminant

Ridi a plene panze!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman?! **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

## STELIS E LUSIGNIS Noa



**Roc.** Tu preferissis no fevelâ cun chei altris dai tiei problemis, no je la strade plui comude.



**Taur.** Lis stelis no ti judin e dentry di te ti fasin ingrumâ une vore di pinsîrs bruts.



**Zimui.** Tu sês sflandorôs, plui tal lavôr che tal amôr, ma l'an che al ven dut al cambie.



**Gjambar.** Tal lavôr tu rivis a meti in pratiche lis tôs cognossincis e i coleghis ti disin graciis.



**Leon.** Sta plui dongje a fradis e amis parcè che a podaressin dâti il consei just.



**Vergjine.** Il cjâf al svole indaûr tal timp, tu ti impensis di personis che no tu viodis di un pieç; e je ore di clamâlis.



**Balance.** No stâ a cirî lusignis e reste cui pîts par tiere, come che tu âs za fat timp indaûr.



**Sgarpion.** In amôr tu stâs une vore ben cun cui che tu âs dongje. Chest ti fâs vivi in ligrie.



**Sagjitari.** Tu stâs frontant cuistions une vore griviis in famee, no stâ a imponi masse il to volê.



**Bec di mont.** Tal lavôr tu stâs frontant cuistions imberdeadis, ma tal amôr e je dute une altre musiche.



**Agarûl.** La int par denant ti riduce e par daûr e fevele mâl di te, no stâ a cjapâte e mostre di jessi plui fuart di duçj.



**Pes.** Viôt di vê plui cure dal to cuarp. Tal lavôr sclarissiti cui coleghis suntune cuistion che e je restade ingropade.